

不自滿假夫何傲而盈者天地鬼神之所惡也器盈則覆不利攸往惟道有盈之之理而無盈之之心雖大盈猶若冲虛而無物焉夫虛則靈矣靈則四會而五達其用亦安有窮乎夫直若屈道順大巧若拙無為大辯若訥忘言又曰類而推之曲則能全不尚直也任直過則多折故有道者不自處於直而委曲周旋之中禮常若屈而不克伸焉雖屈而直正大也至於巧則初不自以為巧也自以為巧其巧必勞故若拙焉不巧之巧巧斯大矣而闡揚道德則需辯有道者初不敢自逞其辯也自逞其辯其辯必窮故若訥焉不辯之辯其辯大矣

道藏輯要

道德經解

卷一 心集一

躁勝寒

清者濁之源

靜勝熱

靜者動之基

清靜為天下正

人能常清靜天地悉皆歸

又曰向使成而不缺盈而不冲以及直而不能屈巧而不安拙辯而不欲訥是猶躁之不能靜靜之不能躁矣彼躁能勝寒不能勝熱靜能勝熱而又不能勝寒偏於一邊非中道也一失中則紛紜擾攘全失清靜之體矣故必清靜以正天下斯為得之

儉欲章第四十六

天下有道

情歸性

卻走馬以糞

意馬閑靈苗秀

天下無道

性逐情

戎馬生於

郊意馬狂心地荒

罪莫大於

可欲

一念易動

禍莫大於

不知足

迷已逐物

咎莫大

於欲得

豈可更添一物

故知足之足常足

鴻鈞賦子不為貧

瑤華帝君注曰尙書云稼穡艱難詩雅云稼穡惟寶則可知  
農事乃有天下者之亟務而窮兵黷武最足以妨農業是故  
有道之世寓兵於農屏却戰鬥田獵而馬無所用一時民得  
三時無害遂致力以糞田焉苟或無道則戎馬生於郊圻民  
不聊生尙何糞田之有要其戎馬之生總緣於僉壬敗類逢  
君之惡慝可欲者以相招而人君不以有天下自足且必欲  
得而甘心焉則其禍患有鮮所底者故以可欲者誘人其罪  
大矣而不知自足爲其所誘而必欲得之迨至得禍慘酷伊  
誰之咎乎太上曰禍曰咎蓋深切以警人也由是論之足有  
何盡貪得者緣於不知雖日求足而究不克足惟知現在處  
即是足則無入弗得斯常足矣

道藏輯要

道德經解

卷

心集一

鑒遠章第四十七

不出戶

潛

知天下

智周萬物

不窺牖

窺肢體

見天道

離形去智

其出彌遠

神遊萬國

其知彌少

心包太虛

瑤華帝君注曰易之同人曰出門同人昌黎伯曰坐井觀天  
斯二說者均與不出戶不窺牖之論相牽而太上當日乃爲  
是說者爲性之渾全而言也蓋人同此心心同此道此一人  
之心卽千百人之心卽萬億人之心本是心以運之四海融  
於一室故無庸出戶而知之也天之道卽人之道喜怒哀樂  
陰慘陽舒恆相配待人身所以爲一小天地也川流教化之